



საქართველოს მთავრობის დადგენილება

N 389 2020 წლის 26 ივნისი ქ. თბილისი

„სოციალური რეაბილიტაციისა და ბავშვზე ზრუნვის 2020 წლის სახელმწიფო
პროგრამის დამტკიცების შესახებ“ საქართველოს მთავრობის 2019 წლის 31
დეკემბრის №670 დადგენილებაში ცვლილების შეტანის თაობაზე“
საქართველოს მთავრობის 2020 წლის 3 აპრილის №218 დადგენილებაში
ცვლილების შეტანის შესახებ

მუხლი 1. „ნორმატიული აქტების შესახებ“ საქართველოს ორგანული
კანონის მე-20 მუხლის მე-4 პუნქტის შესაბამისად, „სოციალური
რეაბილიტაციისა და ბავშვზე ზრუნვის 2020 წლის სახელმწიფო პროგრამის
დამტკიცების შესახებ“ საქართველოს მთავრობის 2019 წლის 31 დეკემბრის
№670 დადგენილებაში ცვლილების შეტანის თაობაზე“ საქართველოს
მთავრობის 2020 წლის 3 აპრილის №218 დადგენილებაში (www.matsne.gov.ge
06/04/2020, 280120000.10.003.021930) შეტანილ იქნეს ცვლილება და მე-2 მუხლი
ჩამოყალიბდეს შემდეგი რედაქციით:

„მუხლი 2. საქართველოში ახალი კორონავირუსის პრევენციისა და რეაგირების ფარგლებში, „სოციალური რეაბილიტაციისა და ბავშვზე ზრუნვის 2020 წლის პროგრამის“:

ა) დანართ 1.5-ის („დღის ცენტრებში მომსახურებით უზრუნველყოფის ქვეპროგრამის“) ფარგლებში, ბენეფიციარის კანონიერი წარმომადგენლი/მინდობით აღმზრდელის მიერ მიმდინარე თვის ვაუჩერის წარდგენა მომსახურების მიმწოდებლისთვის შესაძლებელია მომსახურების მიწოდების მიმდინარე თვის დასრულებამდე, მომსახურების მიწოდების სრულად აღდგენის ვადით;

ა.ა) დანართ 1.5-ის მე-3 მუხლის პირველი პუნქტის „ა“, „ბ“, „გ“ და „დ“ ქვეპუნქტებით გათვალისწინებული ბენეფიციარებისთვის მომსახურებას მიწოდების სრულად აღდგენამდე თანხის ანაზღაურება განხორციელდება მეურვეობა-მზრუნველობის ორგანოში წარდგენილი ვაუჩერების რაოდენობის გათვალისწინებით, თვის ვაუჩერის ღირებულების: შშმ პირთა (მ. შ. ბავშვთა) დღის ცენტრის შემთხვევაში – 336 ლარის, მძიმე და ღრმა გონებრივი განვითარების შეფერხების მქონე შეზღუდული შესაძლებლობის ბავშვთა შემთხვევაში – 525 ლარის, ხოლო მიტოვების რისკის ქვეშ მყოფ ბავშვთა დღის ცენტრის შემთხვევაში – ყოველ სამუშაო დღეზე 8 ლარის 60%-ის ოდენობით;

ბ) განახლდეს გადაწყვეტილებების მიღება დანართ 1.5-ის („დღის ცენტრებში მომსახურებით უზრუნველყოფის ქვეპროგრამის“) მხოლოდ იმ ბენეფიციარების მომსახურებებში ჩართვის მიზნით, რომლებმაც აღნიშნულის მოთხოვნით განცხადებით მიმართეს მეურვეობისა და მზრუნველობის ორგანოს 2020 წლის 1 იანვრის მდგომარეობით და შემდგომ პერიოდში და განცხადების შეტანის დროს ამ მომსახურებით სარგებლობდნენ გასული 12 თვის განმავლობაში (მიუხედავად მომსახურებით სარგებლობის ვადისა):

გ) 2020 წლის 1 ივლისიდან განახლდეს მომსახურების მიწოდება დანართ 1.2-ის („ბავშვთა ადრეული განვითარების ხელშეწყობის ქვეპროგრამის“),

დანართ 1.3-ის („ბავშვთა რეაბილიტაცია/აბილიტაციის ქვეპროგრამის“), დანართ 1.6-ის („დამხმარე საშუალებებით უზრუნველყოფის ქვეპროგრამის“ კოხლერული იმპლანტით უზრუნველყოფის კომპონენტის“), დანართ 1.11-ისა („მიუსაფარ ბავშვთა თავშესაფრით უზრუნველყოფის ქვეპროგრამის“ დღის ცენტრების კომპონენტის“) და დანართ 1.13-ის („განვითარების მძიმე და ღრმა შეფერხების მქონე ბავშვთა ბინაზე მოვლით უზრუნველყოფის ქვეპროგრამის“) ფარგლებში;

დ) 2020 წლის 1 სექტემბრიდან განახლდეს მომსახურების მიწოდება დანართ 1.5-ის („დღის ცენტრებში მომსახურებით უზრუნველყოფის ქვეპროგრამის“) ფარგლებში;

ე) დანართ 1.5-ის („დღის ცენტრებში მომსახურებით უზრუნველყოფის ქვეპროგრამის“) ბენეფიციარებზე:

ე.ა) მომსახურების მიწოდების სრულად აღდგენამდე, მარტის ოვერ მოქმედი ვაუჩერის თვის შესაბამისად, გაიცეს კვების მატერიალიზებული ვაუჩერი, მაგრამ ერთჯერადად არა უმეტეს 3 თვისა (ერთი თვის ვაუჩერის ღირებულება 80 ლარი);

ე.ბ) მომსახურების მიწოდების სრულად აღდგენამდე, 2020 წლის 1 ივნისის მდგომარეობით და შემდგომ თვეებში მიღებული გადაწყვეტილებების შესაბამისად, გაიცეს კვების მატერიალიზებული ვაუჩერი, მაგრამ ერთჯერადად არა უმეტეს 3 თვისა (ერთი თვის ვაუჩერის ღირებულება 80 ლარი);

ვ) კვების მატერიალიზებული ვაუჩერი ანაზღაურებას ექვემდებარება დანართ 1.1-ის („კრიზისულ მდგომარეობაში მყოფი ბავშვიანი ოჯახების დახმარების ქვეპროგრამის“) მე-5 მუხლის პირველი პუნქტით გათვალისწინებულ მიმწოდებლებთან;

ვ.ა) ვაუჩერი გაიცემა დანართ 1.5-ის („დღის ცენტრებში მომსახურებით უზრუნველყოფის ქვეპროგრამის“) ბენეფიციარებზე მეურვეობისა და მზრუნველობის ორგანოს ტერიტორიული ერთეულის უფროსის

გადაწყვეტილებით (არა უგვიანეს მეურვეობა-მზრუნველობის ორგანოს ჰაერ გადაწყვეტილების მიღებიდან 5 სამუშაო დღეში) ბენეფიციარზე/ ბენეფიციარის კანონიერ წარმომადგენელზე, რომელიც უზრუნველყოფს ვაუჩერის მიღებიდან არა უგვიანეს 20 კალენდარული დღის ჩათვლით მიმწოდებელთან ვაუჩერის განაღდებას;

ვ.ბ) საქონლის მიმწოდებელი მეურვეობა-მზრუნველობის ორგანოს არა უგვიანეს საქონლის მიწოდების შემდეგი თვის 10 რიცხვის ჩათვლით წარუდგენს ვაუჩერს, რომელიც ექვემდებარება ანაზღაურებას საქონლია მიწოდების თვის შემდგომი თვის ამოწურვამდე. ამასთან, საქონლის მიმწოდებლის მიერ ამ ვადის დარღვევით არა უმეტეს 5 კალენდარული დღით დაგვიანების შემთხვევაში, წარდგენილი ვაუჩერების ანაზღაურებისას ცოველ დაგვიანებულ კალენდარულ დღეზე ასანაზღაურებელი თანხის ოდენობას გამოაკლდება ასანაზღაურებელი თანხის 10%. 5 კალენდარულ დღეზე მეტი დღის დაგვიანების შემთხვევაში, წარდგენილი ვაუჩერები დაფინანსებას არ ექვემდებარება;

ვ.გ) საქონლის მიმწოდებელი დასაქონლებული ვაუჩერით თითოეულ ბენეფიციარზე გაცემული კვების პროდუქტების ჩამონათვალის, რაოდენობისა და ღირებულების თაობაზე ინფორმაციას აწვდის მეურვეობა-მზრუნველობის ორგანოს არა უგვიანეს ვაუჩერის დასაქონლების თვის შემდეგი თვის 10 რიცხვის ჩათვლით;

ვ.დ) გაცემული ვაუჩერის გამოუყენებლობა მისი მიღებიდან 20 კალენდარული დღის ჩათვლით პერიოდში იწვევს ვაუჩერის ავტონატურ გაუქმებას.“.

მუხლი 2. დადგენილება ამოქმედდეს 2020 წლის 1 ივლისიდან.

პრემიერ-მინისტრი



გიორგი გახარია